



Republika e Kosovës / Republic of Kosovo
Komuna - Municipality
Hani i Elezit



01/Nr. 496/2025
Data: 21.01.2025

PROCESVERBAL I KUVENDIT TË KOMUNËS

Procesverbali nga mbledhja e dymbëdhjetë -XII- e Kuvendit të Komunës, mbajtur me datë 30.12.2024 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Abduraman Bushi** (Drejtor për Bujqësi, Pylltari dhe Zhvillim Rural), **Lindita Ballazhi** (Drejtoresh për Buxhet dhe Financa), **Natyra Kalisi** (Drejtoresh e Administratës), **Arbenita Bajramaliu** (Drejtoreshë për Kulturë, Rini dhe Sport), **Hisni Luri** (Drejtor për Arsim), **Majlinda Kaloshi** (Drejtoreshë për Zhvillim Ekonomik dhe Turizëm), **Nexhmedin Daci** (Drejtorja për Urbanizëm Kadastër dhe Mbrojtje të Mjedisit), **Arsim Dernjani** (Drejtor për Shërbime Publike dhe Emergjencë), **KimeteKuka –Hasallari** (Drejtoreshë për Shëndetësi dhe Mirëqenie Sociale).

RENDI I PUNËS

1. Miratimi i procesverbalit nga mbledhja e kaluar.
2. Plani i punës së ekzekutivit të komunës së Hanit të Elezit për vitin 2025.
3. Plani i punës së këshillit komunal për siguri në bashkësi për vitin 2025.
4. Plani i punës së komitetit për komunitete për vitin 2025.
5. Draft rregullorja komunale për menaxhimin të pasurisë jo financiare komuna Hani i Elezit.
6. Raporti mbi planin e integritetit për vitin 2024.
7. Propozim vendim për ndërtesat e vjetra kolektive të cilat janë në zonën urbane.
8. Propozim vendim për listën e veçantë të pronave të paluajtshme të komunës për vitin 2025 të cilat parashihen të jepen për shfrytëzim.
9. Rishqyrtimi i aktit normativ rregullorja për taksa komunale për vitin 2025.
10. Rishqyrtimi i ligjshmërisë së aktit për z.Endrit Curri për ndërrim-destinimin e pronës.
11. Rishqyrtimi i ligjshmërisë së aktit për z.Faton Curri për ndërrim-destinimin e pronës.
12. Informatë për ndarjen e subvencioneve në bujqësi
13. Të ndryshme.

Kryesuesi thekson:- për pikat e rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

1. Miratimi i procesverbalit nga mbledhja e kaluar.

Kryesuesi thekson:- për këtë pikë të rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Plani i punës së ekzekutivit të komunës së Hanit të Elezit për vitin 2025.

Kryesuesi thekson:- për këtë pikë të rendit të punës hapi diskutimin.

Mehmet Ballazhi thekson:-para vetës e keni planin e punës për vitin 2025 sipas objektivave që e kemi paraparë që të zhvillohen në vitin 2025. Si prioritetë kemi shërbimet ndaj qytetarëve, ngritja e shërbimeve shëndetësore dhe të mirëqenies sociale, rregullimi i infrastrukturës urbanistike , arsimit,familja dhe siguria, zhvillimi ekonomik. Në bazë të këtyre prioritetëve pastaj dalin objektivat,stimulim i nxënësve për regjistrim në shkollat profesionale me mbulim të shpenzimeve të udhëtimit dhe studentëve të suksesshëm me bursa studentore, Trajtimi i barabartë në ofrimin e shërbimeve sociale dhe skemës sociale, Menaxhim cilësor dhe efektiv të buxhetit të komunës për vitin 2025, Vazhdim i bashkëpunimit me institucionet qendrore dhe lokale, Transparencë digjitale për të gjitha aktivitetet në komunë dhe shpenzimet buxhetore, Krijimi i kushteve optimale për punë në çerdhen e fëmijëve, Vazhdim i përkrahjes së institucioneve dhe aktiviteteve kulturore dhe sportive, Vazhdim i rritjes së shërbimeve në QKMF dhe përmirësimi i cilësisë së shërbimeve për qytetarët, Realizimi cilësor i të gjitha projekteve të planifikuara, Miratimi i PZHK-së dhe harta zonale e komunës, Informimi i qytetarëve dhe përkrahja për legalizimin e ndërtimeve pa leje sipas ligjit për legalizime, Inkurajimi dhe mbështetja e qytetarëve për zhvillimin e aktiviteteve biznesore dhe përkrahja për hapje të bizneseve të reja, Vazhdimi i përkrahjes dhe stimulimi i fermerëve përmes subvencioneve, Bashkëpunim me komuna të ndryshme duke përfutur nga eksperiencia e tyre dhe shembujt pozitiv, Bashkëpunimi ndër komunal dhe ndërkufitar me komuna, Bashkëpunim me institucione shtetërore, OJQ dhe institucione ndërkombëtare për prezantimin dhe afirmimin të komunës tonë, Digjitalizimi i Bibliotekës së qytetit të Hanit të Elezit.

Sherif Berishathekson:- sikur plani i punës për vitet e më hershme të punës edhe ky plan i punës për vitin 2025 është i njëjtë dhe nuk përfshinë ndonjë projekt të veçantë apo objektiva të rëndësishme që projekti të ndikojë te qytetarët. Të gjitha planifikimet për vitin 2025 do të mbesin në letër sikur kanë mbetur edhe nga vitet e kaluara me qenë se në asnjë vit nuk kemi pasur punë konkrete të rëndësishme. Në të gjitha drejtoritë shifrat janë të njëjta dhe asgjë specifike për vitin 2025.

Nora Xhoni thekson:- i dëgjova objektivat dhe ndër prioritetë që i shpaloje u potencua stimulimi i nxënësve për regjistrim nëpër shkollat profesionale por kërkoj sqarim më konkret në këtë çështje nga drejtorja e arsimit.

Refet Kalisi thekson:- edhe vitet e kaluara është potencuar shtrimi me kupëza betoni nëpër fshatra por është mirë me u përcaktuar rrugët pra të definohet se cila rrugë. Edhe te muret mbrojtëse dhe kanalizimet duhet të shënohet.

Mehmet Ballazhi thekson:- është plan të cilin ne mundohemi me i realizuar projektet të cilat janë brenda planit dhe në Han të Elezit projektet janë të njëjta dhe nuk kemi çka dallojmë përveç prioritetëve që i potencuam.

Hisni Luri thekson:- çështjen e subvencionimit të mësimit deficitarë e kemi duke filluar prej bursave për studentë që nga katërdhjetë është ngritur numri në pesëdhjetë. Ne vazhdojmë me i mbështetur nxënësit të cilët janë në shkollat në Kaçanik në drejtimet profesionale, ndërsa për Ferizaj e kemi diskutuar me të gjitha kompanitë të cilët kanë potencuar se njëri mos me u pajtuar kemi me u kthyer në pikën zero për shkak se me një kompani kemi bërë kërkesë që së paku gjysë për gjysë të jetë çmimi në raport me udhëtarët e zakonshëm, që ne të ju krijojmë bexha nxënësve të cilët udhëtojnë, mirëpo ka qenë e pamundur për shkak se nuk është që funksionon vetëm një kompani. Për me bërë një relacion direkt Hani i Elezit, Kaçanik, Ferizaj është problem me mor licencën e linjës së transportit. Kemi filluar një bashkëpunimi me akademinë Flutura që do të ketë drejtime profesionale të cilat do të zhvillohen këtu , pra do të jetë mundësia më e mirë për nxënësit.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUAPLANI I PUNËS SË EKEZEKUTIVIT TË KOMUNËS SË HANIT TË ELEZIT PËR VITIN 2025

1. Plani i punës së këshillit komunal për siguri në bashkësi për vitin 2025.

Kryesuesi thekson:- për këtë pikë të rendit të punës hapi diskutimin.

Mehmet Ballazhi thekson:- janë paraparë temat në kohë të caktuar se kur do të diskutohen. Nëse keni ndonjë propozim apo sugjerim mund të parashtroni.

Sherif Berisha thekson:- është plan i njëjtë nuk ka ndryshime dhe nuk kemi pasur raporte të detajuara se çka ka pasur probleme në komunën tonë.

Refet Kalisi thekson:-a keni ndonjë informacion për çështjen e qenve endacak për shkak se është problem në tërë Kosovën për shkak se çështja e qenve endacak është problem bukur i madh.

Hyriete Isufi thekson:- eliminimi i deponive ilegale së paku dy herë në vit, kërkoj sqarim se çka parashihet.

Mehmet Ballazhi thekson:- është plan i njëjtë por nuk mundesh mos me pasur eliminimin e deponive ilegale, kuptohet nëse krijohen. Pastrimit të ambientit nuk mundemi me i ikur. Vendosija e mbrojtëseve nëpër trotuare pra ku do që do të ketë nevojë kemi me i vendosur mbrojtëset. Riparimi i kapakëve të pusetave pra nëse dëmtohet ndonjë ne duhet me i rregulluar se është rrezik për qytetarë. Kemi diskutuar për çështjen e qenve endacak por nuk ka mundësi me marr masa sa i përket strehimores për shkak të kapaciteteve buxhetore për shkak se është shqetësim i të gjithave komunave.

Kryesuesi thekson:- është mirë që të bashkëpunojmë me të gjithë aktorët dhe me të policisë që mbahen këto takime që kundrejt KEDS-it te merren gjërat më konkretisht, më seriozisht për shkak se shumë administratorë kanë bërë kërkesa me shkrim për ndërrimin e shtyllave elektrike por asnjë herë nuk ka pasur rezultat. Rasti më i freskët është te Lagjja Meliq që edhe kur ka rrymë në komunën tonë ajo si lagje për shkak të ngarkesës që është në sezonën e dimrit nuk ka rrymë, ndërsa KEDS-si po vjen me polici te qytetari kur nuk i bëhet pagesa e pse policia mos me marr masa në këtë drejtim aty ku rrezikohet qytetari. Ndoshta këto çështje janë diskutuar por rezultate konkrete nuk ka pasur, ndërsa banorët po ankohen vazhdimisht në komunë. Drejtuesit e KEDS-it as telefonat nuk po i qelin as nuk japin ndonjë rezultat. Te kufiri rruga që është shtruar me asfalt dhe vijat e bardha të cilat janë vendosur duhet të ndryshohen për shkak se ka rrezik për atë pjesë sepse nëse ndodhë ndonjë aksident faj kujna i mbetet. Zebrat është e nevojshme me u vendosur në drejtim të rrugës që shkon te lagjja e Vlashëve.

Mehmet Ballazhi thekson:- këto çështje i kemi diskutuar por edhe do t'i diskutojmë këtu përfshihet edhe çështja e shtyllave të cilat e rrezikojnë sigurinë dhe për këtë arsye është në plan të punës, mirëpo ju mund të propozoni ndonjë temë për me diskutuar që nuk është përfshirë në plan. Projekti te kufiri ende nuk ka përfunduar dhe në vitin 2025 janë edhe disa punë, mirëpo për çështje të vijave edhe unë kam vërejtje dhe e kam diskutuar me bartësit e atij projekti por arsyetimi i tyre ka qenë se për shkak të qarkullimit nuk kanë mundur me i rregulluar. Çështja e zebrave është kryer.

Sherif Berisha thekson:- në takimet të cilat i keni pasur keni diskutuar për dukuritë negative, për bixhozin, siguria në për shkolla që edhe aty po çalon situata. A ka diçka konkrete për këto çështje.

Mehmet Ballazhi thekson:- këtu që u theksuan më lartë janë në plan që do të diskutohen për vitin 2025 por ju nëse keni ndonjë temë që është e rëndësishme dhe që ne nuk e kemi planifikuar mund ta propozoni.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte njëzëri.

U MIRATUA PLANI I PUNËS SË KËSHILLIT KOMUNAL PËR SIGURI NË BASHKËSI PËR VITIN 2025

4.Plani i punës së komitetit për komunitete për vitin 2025.

Kryesuesi thekson:- për këtë pikë të rendit të punës hapi diskutimin.

Hyriete Isufi thekson:- te muaji tetor dhe nëntor pika e ditë e rendit të punës që është paparë për inspektorin e sanitarisë dhe inspektorin e tregut , çka është paraparë.

Resul Suma thekson:- për secilën pikë që është paraparë përgjegjësit vijën në mbledhje të komitetit dhe raportojnë për punët e tyre të cilat janë duke i kryer. Ka disa drejtorë që edhe pse i kemi ftuar në mbledhja nuk marrin pjesë në mbledhje të komitetit për komunitete.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I PUNËS SË KOMITETIT PËR KOMUNITETE PËR VITIN 2025

5. Draft rregullorja komunale për menaxhimin të pasurisë jo financiare komuna Hani i Elezit.

Kryesuesi thekson:- për këtë pikë të rendit të punës hapi diskutimin.

Natyra Kalisi thekson:- draft rregullorja ka të bëjë me rregullimin dhe përcaktimin për procedurat dhe kriteret për menaxhimin e pasurisë jofinanciare të komunës. Rregullorja do të ju nënshtrohet procedurave të debatit publik dhe pastaj do të procedohet për miratim në kuvendin e komunës. Nëse keni ndonjë propozim apo sugjerim mund të parashtroni.

Refet Kalisi thekson:- kërkoj sqarim më të hollësishëm se për çka bëhet fjalë.

Natyr Kalisi thekson:- rregullorja ka të bëjë për dokumentimin, ruajtjen, lëvizjen, tjetërsimin dhe detyrat e regjistrimit të inventarizimit të komunës. Të gjitha asetet që i kemi brenda komunës i ruajmë në sistemin e pasurisë dhe bëhet fjalë si për pasurinë jo financiare nën njëmijë euro , pasurinë jo financiare mbi njëmijë euro, si dhe stoqet.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U APROVUA DRAFT REGULLORJA KOMUNALE PËR MENAXHIMIN E PASURISË JO FINANCIARE KOMUNA HANI I ELEZIT QË TË PËRCILLET PËR DEBAT PUBLIK

6.Raporti mbi planin e integritetit për vitin 2024.

Kryesuesi thekson:- për këtë pikë të rendit të punës hapi diskutimin.

Natyr Kalisi thekson:- është obligim ligjorë që ta paraqesim në kuvend këtë raport sepse e kemi edhe në program të performancës që ta paraqesim në kuvend komunal mbi ato të cilat ne i kemi pasur si sfida në ruajtjen e integritetit komunal. Ky planë është si pjesë e angazhimeve tona për promovimin e vlerave si qeverisje e drejtë si dhe përfaqëson një kornizë të rëndësishme për parandalimin e korrupsionit dhe për rritjen e besueshmërisë ndaj qytetarëve drejtë administratës komunale. Materialin keni pranuar me kohë dhe nëse keni ndonjë pyetje apo sugjerim mund të parashtroni.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

7.Propozim vendim për ndërtesat e vjetra kolektive të cilat janë në zonën urbane.

Kryesuesi thekson:- për këtë pikë të rendit të punës hapi diskutimin.

Nexhmedin Daci thekson:- propozim vendimi ka të bëjë me ndërtesat e vjetra kolektive. Përmes këtij propozim vendim do të ju mundësohet pronarëve të ligjshëm të banesave që ato në marrëveshje mes vete apo me ndonjë investitorët mundë të bëjnë ndërtime të reja gjithmonë duke u bazuar në planin rregullues të komunës në parçellet ekzistuese të cilat evidentohen në librat kadastralë në shfrytëzim të përhershëm. Ndërtimet eventuale të ndërtesave të reja duhet të jenë në pajtim të plotë me planet urbane rregulluese të komunës ligjin mbi ndërtimet dhe rregulloren për taksat komunale. Në material e keni listën e ndërtesave se për cilat ndërtesa bëhet fjalë dhe po ashtu e keni edhe një vlerësim të kompanisë së licencuar për njëren e këtyre banesave e cila tregon qëndrueshmërinë dhe gjendjen ekzistuese të këtyre banesave.

Zaim Bela thekson:-nëse mbetet që pronarët me u dakorduan asnjë herë nuk kanë me arritur me bërë marrëveshje, mirëpo pasi janë prona komunale a kemi drejtë me ligj që me ndërtuar dhe pas ndërtimit prona jetë prapë komunale dhe komuna me marr iniciativë për me u marr vesh pronarët.

Resul Suma thekson:- te puna e arsytimit ligjshmëria është që te njëra e ke shënuar 04L210 te njëra L134 është mirë me na treguar se ligjin L134 e kam lexuar dhe nuk shënon asgjë për banesat e vjetra. Me cilin ligj je bazuar që e ke bërë këtë propozim vendim. Shpresoj që ky vendim mos me u kthyer paraparë nga MAPL-ja por kisha pas qeft që zyrtari ligjorë me ndaj shpjeguar më mirë çështjen e ligjshmërisë.

Sherif Berisha thekson:- është me plan zhvillimorë komunal të riun apo të vjetrin është shumë me rëndësi me na njoftuar.

Nexhmedin Daci thekson:-ndërtesat më herët kanë qenë pronë shtetërore po ashtu edhe parcelat, ju e dini se ato janë shitur në vitin 1991 e këndeje, kështu që banesat janë bërë private ndërsa toka në kadastër figuron që është e komunës por defakto nuk ka shanc me qenë e komunës sepse askund në botë nuk ka që toka me qenë e jotja ndërsa shtëpia e imja që do të thotë nuk janë dy sende juridike por është një send juridik. Ligji i tokës ndërtimore është në procedura të miratimit dhe ligji për banim kolektivë që me këto dy ligje do të ju mundësohet pronarëve të këtyre banesave që edhe toka me qenë e tyre pra do të jenë bashkë pronarë të parcelës ku vendoset ndërtesa. Ligji L- 134 shënon që komuna obligohet që pronarët e banesave që ti bënë titullarë të parcelës, pra realisht toka është defakto e tyre . Ju i keni parë ndërtesat e vjetra se në çfarë gjendje janë. E kemi përfunduar planin zhvillimorë të komunës dhe për momentin është në Ministri sepse ne e kemi përcjell dhe na kanë dërguar me dhënë komente dhe i kemi dhënë komentet dhe po presin me najë dhënë pëlqimin për me hapur debatin publik , mirëpo pavarësisht kësaj ne e kemi planin rregullues urbanë dhe planin zhvillimorë komunal ekzistues dhe janë të rregulluara këto çështje.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte 13 për , 1 kundër, 1 abstenim.

U MIRATUA PROPOZIM VENDIMI PËR NDËRTE SAT E VJETRA KOLEKTIVE TË CILAT JANË NË ZONËN URBANE

8.Propozim vendim për listën e veçantë të pronave të paluajtshme të komunës për vitin 2025 të cilat parashihen të jepen për shfrytëzim.

Kryesuesi thekson:- për këtë pikë të rendit të punës hapi diskutimin.

Nexhmedin Daci thekson:- edhe në vitin 2022 kemi marr vendim por jemi te përsëritë të njëjtën procedurë sepse ndërlihet me performancën komunale . Janë dy parcele në fshatin Pustenic dy në fshatin Rezhancë dhe një në fshatin Krivenik. Prona tjera të përshtatshme për me i dhënë me qira nuk kemi.

Zaim Bela thekson:- çmimi fillestarë 0.20 m² nëse është për bujqësi për një vit i bien 2000 €, me ligj të bujqësisë ka qenë 50 € për hektarë. Unë propozoj që të jetë 100 € për hektarë për kullosa apo për me mbjellë ndërsa për ndërtim ne të jetë 0.20 €.

Kryesuesi thekson:-propozimin e z. Zaim Bela e hedh në votim, rezultati i votimit ishte njëzëri. A keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte njëzëri.

U MIRATUAMIRATUA PROPOZIM VENDIMI PËR LISTËN E VEÇANTË TË PRONAVE TË PALUAJTSHME TË KOMUNËS PËR VITIN 2025 TË CILAT PARASHIHEN TË JEPEN PËR SHFRYTËZIM.

9. Rishqyrtimi i aktit normativ rregullorja për taksa komunale për vitin 2025.

Kryesuesi thekson:- për këtë pikë të rendit të punës hapi diskutimin.

Nexhmedin Daci thekson:- Ministria e Planifikimit Hapësinorë ka dhënë vërejtje te neni katërmbëdhjetë i rregullores për taksa dhe tarifa edhe pse është e kuptueshme por ne e kemi përcjell për rishqyrtim në kuvend për veprimtarit për të cilat kërkohet pëlqim mjedisorë dhe i kemi shënuar të njëjtat shifra sipas udhëzimit.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte njëzëri.

U MIRATUA RYSHQYRTIMI I AKTIT NORMATIV RREGULLORJA PËR TAKSA KOMUNALE PËR VITIN 225

10. Rishqyrtimi i ligjshmërisë së aktit për z.EndritCurri për ndërrim-destinimin e pronës.

Kryesuesi thekson:- për këtë pikë të rendit të punës hapi diskutimin.

Abduraman Bushi thekson:- rishqyrtimin e vendimit e kam bazuar në dy arsye. Arsye parë është se sipas planit zhvillimorë komunal zona ku është kjo parcelë është zonë ndërtimore. Arsye dytë është që edhe në fletë poseduese shënon tokë ndërtimore dhe bujqësore. Kërkoj që të miratohet për shkak se qëndrojnë pranë vendimit të njëjtë dhe ky vendim është i ligjshëm.

Zaim Bela thekson:- qytetarët po kanë nevojë me u zgjeruar në atë vend por nuk e di me plan zhvillimorë të riun a e kemi planifikuar dhe çka ndodhë nëse nuk na e pranon si të ligjshëm nëse ne votojmë në kuvend por nëse qytetari e bënë ndërtim pa leje dhe çka ndodh. Ne duhet të gjejmë mundësi se dikush ndoshta ka mundësi me bërë ndërtim në atë pjesë. Unë jam për me votuar por duhet të jetë në rregull me ligjin.

Kryesuesi thekson:- për këtë pikë të rendit të punës dhe pika e cila është pa kësaj Ministria përgjegjëse nuk e ka shikuar kadastrin që me vërtetuar se ajo zonë është zonë e ndërtimit dhe me një far forme e kanë pranuar që e kanë bërë këtë lëshim dhe e kanë diskutuar me zyrtarin ligjorë dhe me drejtorin me të cilin kanë ardhur në përfundim që me përcjell në kuvend. A keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte njëzëri.

U MIRATUA RYSHQYRTIMI I LIGJSHMËRISË SË AKTIT PËR ENDRIT CURRI PËR NDËRRIM DESTINIM E PRONËS

11. Rishqyrtimi i ligjshmërisë së aktit për z.FatonCurri për ndërrim-destinimin e p ronës.

Kryesuesi thekson:- për këtë pikë të rendit të punës hapi diskutimin.

Abduraman Bushi thekson:-është i njëjti rast dhe bëhet fjalë për të njëjtën parcelë.

Kryesuesi thekson:-a keni edhe ndonjë diskutim për këtë pikë të rendit të punës, nëse nuk ka e hedh në votim;rezultati i votimit ishte njëzëri.

U MIRATUA RYSHQYRTIMI I LIGJSHMËRISË SË AKTIT PËR FATON CURRI PËR NDËRRIM DESTINIM E PRONËS

12. Informatë për ndarjen e subvencioneve në bujqësi.

Abduraman Bushi thekson:-drejtorja e bujqësisë brenda mundësive buxhetore i ka ndihmuar dy sektorë, sektorin e bletarisë që kemi ndarë 2500 pogaçe për ushqim për bletët që kanë qenë përfitues 38 bletarë. Sektorin e lavërtarisë që kemi ndarë 13 pajisje bujqësore.

Sherif Berisha thekson:- në listat përfituese shihen emra të drejtorëve, emra të zyrtarëve që mendoj që është konflikt interesi sepse edhe më herët ka ndodhë dhe ende po vazhdon.

Mehmet Ballazhi thekson:- nëse ka ndonjë konflikt interesi mundeni me kërkuar sqarimin e kësaj por janë subvencionime për fermerë dhe nuk mundemi me diskriminuar në momentin kur nuk mbetet asnjë jashtë, nëse krejt kanë kërkuar dhe janë subvencionuar nuk mundesh me diskriminuar sepse mund ta kesh ty ndonjë familjarë sepse ne jemi Hani i Elezit por të gjithë kanë përfituar dhe nuk ka pasur asnjë lloj ankese.

Kryesuesi thekson:-a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

13. Të ndryshme.

Kryesuesi thekson:- për këtë pikë të rendit të punës hapi diskutimin.

Zaim Bela thekson:- kam pranuar një përgjigje dhe nuk jam i kënaqur edhe pse edhe pa e kërkuar e kam se çka ka ndodhur por më është dashur ta dijë se a ka pasur ligjshmëri në atë drejtim, a ka pasur ndonjë vendim për mu paguar për shkak se nëse ka pasur ndonjë vendim dhe ka qenë i ligjshëm është dashur në tjetër mënyrë për me i marr të hollat e jo me përmbarues për shkak se nuk është e hijshme që zyrtari ligjorë me marr të holla me përmbarues. Falënderojë drejtoreshën për shëndetësi për shërbimin që janë tu i bërë në QKMF, falënderojë edhe stafin për shërbimin që kemi pasur sepse deri tash nuk kam vërejtje.

Sherif Berisha thekson:- falënderoj drejtorin e arsimit për shkak të përgjigjisë të cilën na e ka ofruar brenda afateve ligjore. Te drejtoresha e kulturës është një kërkesë të cilën e kemi parashtruar që tri javë e më tepër por nuk ka asnjë përgjigje. Nga sektori i shëndetësisë nga vetë stafi i shëndetësisë thuhet që shëndetësia nuk ka qenë kurr më keq qoftë nga përmbajtja e orarit nga stafi qoftë nga shërbimet. Pse mjeku i kontraktuar nga Islamik Reliefi nuk e veshë uniformën e një mjeku por veshë uniformë tjetër, a bie ndeshë me rregullat e punës.

Kimete Kuka –Hasallari thekson:- sa i përket keq menaxhimit dua ta dijë se çka është keq menaxhim aty sepse unë mendojë se gjithçka është në rregull përveç mungesës së stafit që është edhe shqetësim i joni. Sa i përket uniformës së mjekut janë personat kompetentë që duhet me përcjellë këtë çështje.

Resul Suma thekson:-vërejtje kam për drejtorin e shërbimeve publike për shkak se qytetarët kanë pasur ankesa sa i përket pastrimit të rrugëve që personalisht isha në fshatin Krivenik dhe rrugën e kanë pastruar bashkë fshatarët e jo kompania e kontraktuar prej komunës. Të çështja e çerdhes deri ku kanë mbërri punët pas problemeve të cilat kanë qenë.

Erblin Meliqi thekson:-lagjja Meliq nuk ka rrymë dhe pasi kemi bashkëpunim me KEDS-in për vitin 2025 është mirë të diskutohet kjo çështje për shkak se lagjja Meliq është përballur me këtë problem që tri vite edhe pse kërkesat kanë qenë të një pas njëshme prej administratorit të lagjes. Kërkoj nga Drejtoria për Shërbime Publike që të bënë rregullimin e rrugës së Vakëfit. z.Sherif Berisha potencojë që ka keq menaxhim në QKMF por z.Zaim Bela potencojë mendimin e tij për QKMF , mirëpo unë mënoj që shërbimet të cilat i jep QKMF-ja në Han të Elezit nuk besoj që i jep asnjë QKMF në Kosovë.

Arsim Dernjani thekson:-rrugët janë pastruar brenda mundësive që i ka kompania dhe në teren kam qenë, e rrugët janë pastruar edhe në Krivenik, Dimcë dhe fshatrat tjerë dhe lagjet e komunës .

Refet Kalisi thekson:- edhe muajin e kaluar kam parashtruar pyetje se a janë asetet e kompanisë të gatëshme për punë. Dy rrugë kanë qenë që kanë pasur borë dhe nuk janë pastruar por nuk e di gjendje e pajisjeve të kompanisë sepse ndoshta janë në defekt por është kohë dimri dhe ne duhet të jemi të përgatitur.

Xhevahir Dernjani thekson:- viti 2024 ka kaluar me realizim të projekteve duke u nisur prej rrugës “Egzodi99” , asfaltimi i rrugës te fabrika Sharrceme cila do të shërben për mos pengesat e lagjeve të cilat gravitojnë në atë teren . Te infrastruktura shkollore është punuar shumë duke u nisur prej shkollës në Han të Elezit, Paldenicë dhe Goranacë. Në festivalin mbar kombëtarë të cilin e kemi është mirë që të përgaditemi që të marrim pjesë edhe na si nikoqirë që të marrim pjesë në garë fituese. Me një afat shumë të shkurtë është bërë rregullimi i kanalizimit prej rrugës së shkronjave e deri te dhoma e pritjes në fshatin Paldenicë.

Hisni Luri thekson:- mund ta shikoni gjendjen e instalimit siç ka qenë i shtrirë në çerdhe dhe vazhdimisht ku ka pasur probleme tensionet mund të shkaktojnë edhe zjarre . Në bazë të atyre të cilët kanë ardhur me sanuar problemin kanë potencuar që edhe një defekt sa do i vogël ka mundur me djegë çerdhen , mirëpo tash është shtrirë kompletë sistemi dhe është më mirë se sa ka qenë për shkak se kabllon elektrike të cilën e kemi dërguar është për një lagje.

Kryesuesi thekson:- e kemi biseduar me kryetarin dhe është e nevojshme trotuari që është rregulluar por është mirë me vazhduar edhe ka pjesa e lagjes së Vlashëve.

Hnumshahe Dibrani thekson:-falënderoj drejtorin e shërbimeve publike për realizimin e kërkesës të cilën e kam pasur për çështjen e zebrave.

Sherif Berisha thekson:- rrymë ka por rrjeti shpërndarës është me defekte dhe është mirë me ju drejtuar institucioneve kompetente. Te çështja e QKMF-së e kam potencuar edhe më herët që ka keq menaxhim sepse kam kërkuar edhe me fjalë edhe me shkrim por nuk më janë përgjigjur për shkak se sendet janë konkrete dhe shihen. Te çerdhja mirë që është rregulluar por nuk e di kush a shkojë në përgjegjësi për këto të cilat i paraqiti drejtori.

Mehmet Ballazhi thekson:-është fundi i vitit dhe jam falënderues për bashkëpunimin që kemi pasur që herë jemi pajtuar e herë s'jemi pajtuar dhe prej vetë seancës së sotme shihet që dikush është i kënaqur me shërbim , pra ajo që është shumë e rëndësishme është se secili ka qenë i lirë me menduar siç ai ka dashur me shprehur atë pra është demokraci dhe zhvillim i demokracisë. Ju uroj që viti 2025 të jetë më i begatshëm dhe të jemi më unik në të gjitha qëllimet për të mirën e qytetarëve që të kemi suksese edhe më të hovshme krahasuar me vitet që kanë kaluar dhe besoj që viti i ardhshëm do të jetë më i intensifikuar në zgjidhjen e problemeve të cilat i kanë si kërkesë qytetarët.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:03.

Procesmbajtësi

Ayni Bushi



Kryesuesi i Kuvendit
Florim Shkreta

